

¡BOMBA!

Hallar barco de esclavistas hará humana la memoria; también se usará esta historia para que atraiga turistas




K'uintsil

Viernes 18 de septiembre de 2020

CAMPECHE · YUCATÁN · QUINTANA ROO · AÑO 6 · NÚMERO 1319 · www.lajornadamaya.mx

MEYAJ WALKILA', U KAXTA'AL U CH'I'IBAL PALITSIL MAAYA'OB KU BIINSA'ALO'OB KA'ACH TE'E CHÉEMA': INAH

19 TI' SEPTIEMBRE TI' U JA'ABIL 1861 JÓOP K'ÁAK' TI' U CHÉMIL "LA UNIÓN", TAK KA'AJ BÚULIL; MA' JK'UCH CUBAI', BA'ALE' TU YE'ESAJ LÁAYLI' U PALITSILTA'AL MÁAK KA'ACHIJ



Oochelo'ob Helena Barba / INAH

Úuchak u ts'a'abal k'ajóoltbil kaxta'ab "La Unión", jump'éeel úuchben cheem ku k'a'abéetkunsal ka'ach ti' al u ko'onol maaya'ob palitsilta'ano'ob tu lu'umil México, walkila' táan u binetik jump'éeel meyaj jach k'a'anan: u yojéelta'al máax ch'i'ibalil jmáansa'abob te'elo', beey úuchik u ts'a'abal k'ajóoltbil tumen arqueóloga subacuática, Helena Barba Meinecke, máax p'aatal u jo'olbes u meyajil tu Péetlu'umil Yucatán ti' Subdirección de Arqueología Subacuática (SAS), ti' u mola'ayil Instituto Nacional de Antropología e Historia (INAH).

Le je'elo', talam meyaj tumen ma' jkaxta'ab mix jump'éeel baakel wa je'el ba'axak ka u chikbes wa ba'ax yóok'lali', tumen u ja'ilo'ob Caribe yéetel Golfo de México' ku jach chokotalo'ob ts'o'okole' mantats' u táats' k'uchul sásasil, ichil uláak' ba'alob ma' táan u cha'ak u p'áatal mix u xiixel je'el ba'axak baakel, beey úuchik u ya'alik x-xak'al xook ti' jump'éeel tsikbal tu beetaj yéetel *La Jornada Maya*.

INAH'e' tu ts'áj k'ajóoltbil le 15 ti' septiembre máanika' jump'éeel meyaj káaj u

beeta'al walkil óoxp'éeel ja'abo'ob paachil, tu'ux táan u k'a'abéetkunsal úuchben k'ajla'ayil ju'uno'ob, táan xan u táakpajal ajk'ajla'ayilo'ob yéetel arqueólogos, ba'ale' beyxan táakbesa'an tsikbal ku beeta'al tumen jchuk kayo'ob yéetel kajnáalo'ob, ti'al u páajtal u yojéelta'al jach ti' yaan u cheemil "La Unión", tumen ti' jkaxta'ab 3.7 km u náachil ti' u jáal ja'il Sisal tu ja'abil 2017, ts'o'okole' k'a'abéetkunsal ab ti' al u biinsa'al tak Cuba maaya'ob palitsilta'ano'ob.